

RAJA PEREMPUAN PERAK SELAMAT DI-TABALKAN

28 OCT 1963 KUALA KANGSAR Ahad.
ISTIADAT pertabalan Raja Perempuan Perak,

Raja Mazwin binti Raja Ariff Shah berumur 34 tahun telah di-langsangkan pagi ini di-Balai Rong Seri di-Istana Iskandariah di-sini dalam suasana yanggilang gemilang.

Istiadat itu di-saksi-kan oleh kira 500 orang dhaif kenamaan dan di-antara-nya Perdana Menteri, Tengku Abdul Rahman yang menjadi wakil peribadi Seri Peduq Yang di-Pertua Agong.

Turut serta ia-lah wakil2 Raja2 Melayu, wakil Sultan, Brunei wakil Yang di-Pertuan Negara Singapura, wakil Gabnor Pulau Pinang dan Melaka, wakil Gabnor Sarawak, wakil Yang di-Per-

tua Sabah, para Menteri, anggota2 perwakilan luar negeri dan lain2 lagi.

Istiadat itu mengambil masa sa-lama kira2 satu jam.

Raja Perempuan Perak dengan memakai mahkota telah berangkat masok ka-balai Rong Seri tepat pada jam 10.00 pagi di-turuti oleh Baginda Sultan Perak.

Baginda Sultan terus berangkat masok bersamayam di-singgahsana, manakala Raja Perempuan di-sa-buah tempat khas tidak jauh dari Baginda.

Pawang di-Raja, Raja Ngah Ali bersama2 dengan pengiring-nya kemudian membawa sa-buah dulang yang beralas dengan sa-buah kain kuning berisikan sa-puchak, surat gelaran di-letakan di atas sa-buah meja khas di-hadapan singgahsana.

Sa-telah itu Raja Perempuan berangkat

mengadap Baginda Sultan lalu duduk bertimpoh di-hadapan Baginda dengan penoh khusok.

Sa-telah itu Dato Bendahara Perak, Dato C. M. Yusoff pun membacakan surat pengishtiharaan itu.

Di-saat ini tembakan meriam 17 das di-lepas-kan.

Selesai sahaja istiadat Raja Perempuan itu pun menghulorkan tangan kanan-nya kapada Baginda lalu di-sambut dan di-bawa bersemayam disisi Baginda.

Do'a selamat

Sa-telah itu istiadat merenjis ayer mawar dan menabor bunga rampai pun di-jalankan dengan di-dahului oleh Pawang di-Raja, kemudian Ibunda Sultan, Raja Perempuan Kalthom di-ikuti oleh Perdana Menteri, Tengku Abdul Rahman dan seterus-nya.

Selesai sahaja achara itu, do'a selamat di-bachakan oleh Pemangku Mufti Perak, Tuan Abu Hassan Ashaari.

Pada jam 11.15 pagi, Baginda kedua telah menaiki sa-buah kereta terbuka di-iringi kira2 40 buah kereta mengehilingi bandar Kuala Kangsar.

Kira2 50,000 orang telah berbaris di-sepanjang jalan untuk mengalu2kan kedua2 Baginda.